

四庫全書

集部

欽定四庫全書

萬首唐人絕句卷二十四

宋 洪邁 編

七言

寄桐江隱者

許渾

潮去潮來洲渚春  
山花如繡草如茵  
巖陵臺下桐江水  
解釣鱸魚有幾人

送曾主簿歸楚州省覲予亦明日歸姑熟

帆轉清淮極鳥飛落帆應換老萊衣河亭未醉先惆悵  
明日還從此路歸

重別

淚沿紅粉濕羅巾重繫蘭舟勸酒頻留却一枝河畔柳  
明朝猶有遠行人

湖上

髣髴欲當三五夕萬蟬清雜亂泉紋釣魚船上一樽酒  
月出渡頭零落雲

夜泊永樂驛

蓮渚愁紅蕩碧波吳娃齊唱採蓮歌  
橫塘一別已千里  
蘆葦蕭蕭風雨多

宿水閣

野客從來不解愁等閒垂月海西頭  
未知南陌誰家子  
夜半吹笙入水樓

謝亭送別

勞歌一曲解行舟紅葉青山水急流  
日暮酒醒人已遠

滿天風雨下西樓

酬李當

知有瑤華手自開  
巴人虛唱懶封回  
山陰一夜滿溪雪  
借問扁舟來不來

蟬

噪柳鳴槐晚未休  
不知何事愛悲秋  
朱門大有長吟處  
剛被愁人又送愁

夜過松江寄友

清露白雲明月天與君齊棹木蘭船南湖風雨一相失  
夜泊橫塘心渺然

守風淮陰

遙見江陰夜漁客因思京口釣魚時一潭明月萬株柳  
自去自來人不知

亡題

商嶺採芝尋四老紫陽收術訪三茅欲求不死長生訣  
骨裏無仙不肯教

送楊發東歸

紅花半落燕于飛  
同客長安今獨歸  
一紙鄉書報兄弟  
還家羞著別時衣

寄宋祁

朱檻煙霜夜坐勞  
美人南國舊同袍  
山長水遠無消息  
瑤瑟一彈秋月高

題四老廟二首

峩峩商嶺采芝人  
雪頂霜髯虎豹茵  
山酒一卮歌一曲

漢家天子忌功臣

避秦安漢出藍關  
松桂花陰滿舊山  
自是無人有歸意  
白雲常在水潺潺

夏日寄江上親友

雨過前山日未斜  
清蟬嘒嘒落槐花  
車輪南北已無限  
江上故人纔到家

下第懷友人

獨掩衡門花盛時  
一封書信緩歸期  
南宗更有瀟湘客



夜夜月明聞竹枝

客有卜居不遂薄遊沂隴者

海燕西飛白日斜  
天門遙望五侯家  
樓臺深鎖無人到  
落盡春風第一花

陳宮怨二首

風暖江城白日遲  
昔人遺事後人悲  
草生宮闕國無主  
玉樹後庭花為誰

地雄山險水悠悠  
不信隋兵到石頭  
玉樹後庭花一曲

與君同上景陽樓

題段太尉廟

靜想追兵緩翠華  
古碑荒廟閉松花  
紀生不向滎陽死  
爭有山河屬漢家

經秦皇墓

龍盤虎踞樹層層  
勢入浮雲亦是崩  
一種青山秋草裏  
路人唯拜漢文陵

游楞伽寺

碧煙秋寺泛潮來  
水浸城根古堞摧  
盡日傷心人不見  
石榴花滿舊琴臺

緱山廟

王子求仙月滿臺  
玉簫清轉鶴徘徊  
曲終飛去不知處  
山下碧桃春自開

送薛先輩入關

一卮春酒送離歌  
花落敬亭芳草多  
欲問歸期已深醉  
只應孤夢繞關河

過鴻溝

相持未定各為君  
秦政山河此地分  
力盡烏江千載後  
古溝芳草起寒雲

韓信廟

朝言雲夢暮南巡  
已為功名少退身  
盡握兵權猶不得  
更將心計托何人

過湘妃廟

古木蒼山掩翠娥  
月明南浦起微波  
九疑望斷幾千載

斑竹淚痕今更多

寄敬上人

萬山秋雨水縈回紅葉多從紫閣來雲冷竹齋禪衲薄  
已應飛錫過天台

秋思

琪樹西風枕簟秋楚雲湘水憶同遊高歌一曲掩明鏡  
昨日少年今白頭

送宋處士歸山

賣藥修琴歸去遲  
山風吹盡桂花枝  
世間甲子須臾事  
逢著仙人莫看棋

聽琵琶

欲寫明妃萬里情  
紫槽紅撥夜丁丁  
邊沙望盡漢宮遠  
月落天山聞一聲

秦樓曲

秦女夢餘仙路遙  
月窻風簾夜迢迢  
潘郎翠鳳雙飛去  
三十六宮聞玉簫

題旌儒廟

寒栢陰風萬古悲，儒冠相枕死秦時。  
廟前亦有商山路，不學老翁歌紫芝。

覽故人題僧院詩

高閣清吟寄遠公，四時雲月一篇中。  
今來借問獨何處，日暮槿花零落風。

楚宮怨二首

十二山晴花盡開，楚宮雙闕對陽臺。  
細腰爭舞君沈醉。

白日秦兵天上來

獵騎秋來在內稀  
渚宮雲雨濕龍衣  
騰騰戰鼓動城闕  
江畔射麋猶未歸

聽唱山鷓鴣

金谷歌傳第一流  
鷓鴣清怨碧煙愁  
夜來省得曾聞處  
萬里月明湘水秋

晨起西樓

留情深處駐橫波  
斂翠凝紅一曲歌  
明月下樓人未散



共愁三徑是天河

酬盧端公藍口阻風

又攜刀筆泛膺舟  
藍口風高桂楫留  
還似郢中歌一曲  
夜來春雪照西樓

贈何處士

東別茅峰北去秦  
梅仙書裏說真人  
白頭主印青山下  
雖遇唐生不敢親

鷺鷥

西風澹澹水悠悠  
雪點絲飄帶雨愁  
何限歸心倚前閣  
綠蒲紅蓼練塘秋

學仙二首

漢武迎仙紫禁秋  
玉笙瑤瑟似崑丘  
年年望斷無消息  
空閉重城十二樓

心期仙訣意無窮  
采畫雲車起壽宮  
聞有三山未知處  
茂陵松柏滿西風

酬韋侍御

桂楫美人歌木蘭西風嫋嫋露溥溥夜長曲盡意不盡  
月在清湘洲渚寒

紫藤

綠蔓穠陰紫袖低客來留坐小堂西醉中掩瑟無人會  
家近江南罨畫溪

宿咸宜觀

羽袖飄飄香夜風翠幢歸殿玉壇空步虛聲盡天未曉  
雲壓桃花月滿空

金谷園

三惑沈身是此園  
古藤荒草野禽喧  
二十四友一朝盡  
愛妾陸樓何足言

送崔珣入朝

書劍功遲白髮新  
強登蕭寺送歸秦  
月斜松桂倚高閣  
明夜江南江北人

遇劉五

李頎

洛陽一別梨花新  
黃鳥飛飛逢故人  
攜手當年共為樂

無驚蕙草惜殘春

白草原

白草原頭望京師  
黃河流水無已時  
秋天曠野人行絕  
馬首西來知是誰

失題

紫極殿前朝伏奏  
龍花會裏日相望  
別離歲歲如流水  
誰辨他鄉與故鄉

寄韓鵬

為政心閒物自閒  
朝看飛鳥暮飛還  
寄書河上神明宰  
羨爾城頭姑射山

送崔嬰赴漢陽

中外相連弟與兄  
新加小縣子男名  
年纔三十佩銅印  
知爾弦歌漢水清

野老曝背

百歲老翁不種田  
惟知曝背樂殘年  
有時捫虱獨搔首  
目送歸鴻籬下眠

上元夜

崔液

玉漏銅壺且莫催，鐵關金鎖徹明開。  
誰家見月能閒坐，何處聞燈不看來。

其二

神燈佛火百輪張，刻像圖形七寶裝。  
影裏如開金石說，空中似散玉毫光。

使院小池

賈島

小池誰見鑿，時初走水南來。  
十里餘樓上日斜，吹暮角。

院中人出鎖游魚

夜坐

蟋蟀漸多秋不淺  
蟾蜍已沒夜應深  
三更兩鬢幾枝雪  
一念雙峰四祖心

送別

門外便伸千里別  
無車不得到河梁  
高樓直上百餘尺  
今日為君南望長

聞蟬感懷



新蟬忽發最高枝，不覺立聽無限時。  
正遇友人來告別，一聲分作兩般悲。

夏雨宿寺

詩成一夜月中題，便卧松風到曉雞。  
帶月時聞山鳥語，郡城知近武陵溪。

送于總持歸京

出家初隸何方寺，上國西明御水東。  
却見舊房階下樹，別來二十一春風。

池上鶴

月中時叫葉紛紛不異洞庭霜夜聞翎羽從今如罷翦  
猶能飛起向孤雲

友人婚催粧

不知今夕是何夕催促陽臺近鏡臺誰道芙蓉水中種  
青銅鏡裏一枝開

和韓吏部泛南溪

溪裏晚從池岸出石泉秋急夜深聞木蘭船共山人上

月映渡頭零落雲

酬姚合

黍穗豆苗侵古道晴原午後早秋時故人相憶僧來說  
楊柳無風蟬滿枝

送僧三首

遍參尊宿遊方久名岳奇峰問此公五月半間看瀑布  
青城山裏白雲中

池上時時松雪落焚香烟起見孤燈靜夜憶誰來對坐

曲江南岸寺中僧

歸蜀擬從巫峽過  
何時得入舊禪房  
寺中來後誰身化  
起塔栽松向野田

渡桑乾

客舍并州已十霜  
歸心日夜憶咸陽  
無端更渡桑乾水  
却望并州是故鄉

夜期客不至

逸人期宿石床中  
遣我開扉對晚空  
不知何處嘯秋月

閒著松門一夜風

夜集烏行中所居

環爐促席復持杯  
松院雙扉向月開  
坐上同聲半先達  
名山獨入此心來

贈李文通

營當萬勝岡頭下  
誓立千年不朽功  
天子手擎新鉞谷  
諫官請贈李文通

三月晦日贈劉評事

三月正當三十日風光別我苦吟身共君今夜不須睡  
未到曉鐘猶是春

送道者二首

新歲抱琴何處去洛陽三十六峯西生來未識山人面  
不得一聽烏夜啼

常言喫藥全勝飯華岳松邊采茯苓不遺髭鬚一莖白  
擬為白日上昇人

宿村家亭子

床頭枕是溪中石井底泉通竹下池  
宿客未眠過半夜  
獨聞山雨到來時

題興化園亭

破却千家作一池  
不栽桃李種薔薇  
薔薇花落秋風起  
荆棘滿庭君始知

竹

籬外清陰接藥欄  
曉風交夏碧琅玕  
子猷沒後知音少  
粉節霜筠漫歲寒

田中丞高亭

高亭林表迥嵯峨，獨坐秋宵不寢多。  
玉兔玉人歌裏出，白雲雖白莫相和。

贈人斑竹拄杖

揀得林中最細枝，結根石上長身遲。  
莫嫌滴澀紅斑少，恰是湘妃淚盡時。

尋石甕寺上方

野寺入時春雪後，崎嶇得到此房前。  
老僧不出迎朝客。



已住上方三十年

題青龍寺

碣石山人一軸詩終南山北數人知  
擬看青龍寺裏月待無一點夜雲時

阮籍嘯臺

如聞長嘯春風裏荆棘叢邊訪舊蹤  
地接蘇門山近遠荒臺突兀抵高峰

楊秘書新居

城角新居隣靜寺時從新閣上南樓  
南山泉入宮中去  
先向詩人門外流

哭孟東野

蘭無香氣鶴無聲哭盡秋天月不明  
自從東野先生死  
側近雲山得散行

過京索先生墓

京索先生三尺墳秋風漠漠吐寒雲  
從來有恨君多哭  
今日何人更哭君

客思

促織聲尖尖似針更深刺著旅人心  
獨言獨語月明裏  
驚覺眠童與宿禽

觀鹿

條峯五老勢相連此鹿來從若箇邊  
別有野麋人不見  
一生長飲白雲泉

聽樂山人彈易水

朱絲絃底燕泉急燕將雲孫白日彈  
嬴氏歸山陵已掘

聲聲猶帶髮衝冠

經蘇秦墓

沙埋古篆折碑文  
六國興亡事繫君  
今日淒涼無處說  
亂山秋盡有寒雲

題戴勝

星點花冠道士衣  
紫陽宮女化身飛  
能傳上界春消息  
若到蓬山莫放歸

題隱者居二首

雖有柴門長不闕  
片雲孤木伴身閒  
猶嫌住久人知處  
見擬移家更上山

老子堂前花萬樹  
先生曾見幾回春  
夜煎白石平明喫  
不擬教人哭此身

春詞

沈亞之

黃鳥啼時春日高  
紅芳發盡井邊桃  
美人手暖裁衣易  
片片輕花落剪刀

題候仙亭

新初山亭覆石壇  
雕梁峻宇入雲端  
嶺北嘯猿高枕聽  
湖南山色卷簾看

送龐子肅

三年遊宦也迷津  
馬困長安九陌塵  
都作無成不歸去  
古來妻嫂笑蘇秦

夢遊秦宮

君王多感放東歸  
從此秦宮不復期  
春景似傷秦喪主  
落花如雨淚燕脂

萬首唐人絕句卷二十四

欽定四庫全書

萬首唐人絕句卷二十五

宋 洪邁 編

七言

過勤政樓

杜牧

千秋佳節名空在  
承露絲囊世已無  
唯有紫苔偏稱意  
年年因雨上金鋪

題魏文正



蟪蛄寧與雪霜期  
賢哲難教俗士知  
可憐貞觀太平後  
天不且留封德彝

念昔遊三首

十載飄然繩檢外  
罇前自獻自為酬  
秋山春雨閒吟處  
倚遍江南寺寺樓

雲門寺外逢猛雨  
林黑山高雨脚長  
曾奉郊宮為近侍  
分明搜搜羽林槍

李白題詩水西寺  
古木回巖樓閣風  
半醒半醉遊三日

紅白花開烟雨中

過華清宮三首

長安回望繡成堆，  
山頂千門次第開。  
一騎紅塵妃子笑，  
無人知是荔枝來。

新豐綠樹起黃埃，  
數騎漁陽探使回。  
霓裳一曲千峯上，  
舞破中原始下來。

萬國笙歌醉太平，  
倚天樓殿月分明。  
雲中亂拍祿山舞，  
風過重巒下笑聲。

登樂遊原

長空澹澹孤鳥沒萬古銷沉向此中看取漢家何似業  
五陵無樹起秋風

春申君

烈士思酬國士恩春申誰與快冤魂三千賓客總珠履  
欲使何人殺李園

奉陵宮人

相如死後無詞客延壽亡來絕畫工玉顏不是黃金少

淚滴秋山入壽宮

讀韓杜集

杜詩韓筆愁來讀似倩麻姑癢處抓  
天外鳳凰誰得髓  
無人解合續弦膠

送國碁王逢

絕藝如君天下少  
閒人似我世間無  
別後竹窻風雪夜  
一燈明暗覆吳圖

少年行

連環羈玉聲光碎綠錦蔽泥虬卷高春風細雨走馬去  
珠落璀璨白蜀袍

沈下賢

斯人清唱何人和草逕苔蕪不可尋一夕小敷山下夢  
水如環珮月如襟

偶題

甘羅昔作秦丞相子政曾為漢輦郎千載更逢王侍讀  
當時還道有文章

朱坡三首

故國池塘倚御渠  
江城三詔損魚書  
賈生辭賦恨流落  
祇向長沙住歲餘

煙深苔巷唱樵兒  
花落寒輕倦客歸  
藤岸竹洲相掩映  
滿池春雨鷓鴣飛

乳肥春洞生鵝管  
沼避回巖勢犬牙  
自笑卷懷頭角縮  
歸盤煙磴恰如蝸

出宮人二首

閒吹玉殿昭華管醉折梨園縹帶花十年一夢歸人世  
絳縷猶封繫臂紗

平陽拊背穿馳道銅雀分香下壁門幾向綴珠深殿裏  
妬拋羞態卧黃昏

杏園

夜來微雨洗芳塵公子驂騑步始勻莫怪杏園顛顚去  
滿城多少插花人

春晚題韋家亭子

擁臯侵襟花草香高臺春去恨茫茫  
薦紅半落平池晚  
曲渚飄成錦一張

感宋拾遺題名

竄逐窮荒與死期  
餓唯蒿藿病無醫  
憐君更抱重泉恨  
不見崇山謫去時

將赴吳興登樂遊原

清時有味是無能  
閒愛孤雲靜愛僧  
欲把一麾江海去  
樂遊原上望昭陵



江南懷古

車書混一業無窮  
井邑山川今古同  
戊辰年向金陵過  
惆悵閒吟憶庾公

江南春

千里鶯啼綠映紅  
水村山郭酒旗風  
南朝四百八十寺  
多少樓臺煙雨中

題禪智寺

故里溪頭松栢雙  
來時盡日倚松窗  
杜陵隋苑已絕國

秋晚南遊更渡江

齊安郡中偶題二首

兩竿落日溪橋上，半縷輕煙柳影中。  
多少綠荷相倚恨，一時回首背西風。

秋聲無不攪離心，夢澤蕪葭楚雨深。  
自滴塔前大梧葉，于君何事動哀吟。

齊安郡後池

菱透浮萍綠錦池，夏鶯千啞弄薔薇。  
盡日無人看微雨。

駕鵞相對浴紅衣

題城樓

鳴軋江樓角一聲微陽澌澌落寒汀不用憑欄苦回首  
故鄉七十五長亭

池州青溪

弄溪終日到黃昏照數秋來白髮根何物賴君千遍洗  
筆頭塵土漸無痕

遊金碧洞

初柳霜林下石稜潺湲聲斷滿溪冰攜茶臘月遊金碧  
合有文章病茂陵

贈李秀才

骨清年少眼如冰鳳羽參差五色層天上麒麟時一下  
人間不獨有徐陵

題貴池亭

勢比凌歊宋武臺分明百里遠帆開蜀江雪浪西江滿  
強半春寒去却來

蘄州蘭溪

蘭溪春盡碧泱泱  
映水蘭花兩發香  
楚國大夫憔悴日  
應尋此路去瀟湘

題水口草市

倚溪侵嶺多高樹  
誇酒書旗有小樓  
鶯起鴛鴦豈無恨  
一雙飛去却回頭

初冬夜飲

淮陽多病偶求懽  
容袖侵霜興燭盤  
砌下梨花一堆雪

明年誰此凭欄干

山石榴

似火山榴映小山  
繁中能薄艷  
中間一朶佳人玉釵上  
祇疑燒却翠雲鬟

隋隄柳

夾岸垂楊三百里  
祇應圖畫最相宜  
自嫌流落西歸疾  
不見東風二月時

柳

數樹新開翠影齊倚風情態被春迷依依故國樊川恨  
半掩村橋半拂溪

鷺鷥

雪衣雪髮青玉觜羣捕魚兒溪影中驚飛遠映碧山去  
一樹梨花落晚風

村舍燕

漢宮一百四十五多下珠簾閉瑣窻何處營巢夏將半  
茅簷煙裏語雙雙

歸燕

畫堂歌舞喧喧地社去社來人不看長是江樓使君伴  
黃昏猶待倚欄干

傷猿

獨折南園一朵梅重尋幽坎已生苔無端晚吹驚高樹  
似裊長枝欲下來

雲

盡日看雲首不回無心都大似無才可憐光彩一片玉



萬里晴天何處來

醉後題僧院二首

離心忽忽復悽悽  
兩眸傾瓶取醉泥  
可羨高僧共心語  
一如攜穉往東西

航船一棹百分空  
十歲青春不負公  
今日鬢絲禪榻畔  
茶煙輕颺落花風

見吳秀才別妓

紅燭短時羌笛怨  
清歌咽處蜀絃高  
萬里分飛兩行淚

滿江寒雨正蕭騷

贈朱道靈

劉根丹篆三千字  
郭璞青囊兩卷書  
牛渚磯南謝山北  
白雲深處有巖居

屏風

屏風周做畫  
纖腰歲久丹青色  
半銷斜倚玉窻鸞  
髮女拂塵猶自妬  
嬌饒

哭韓綽

平明送葬上都門  
紉翼交橫逐去魂  
歸來冷笑悲身事  
喚婦呼兒索酒盆

新定途中

無端偶效張文紀  
下杜鄉園別五秋  
重過江南更千里  
萬山深處一孤舟

商山道中

水疊鳴珂樹如帳  
長楊春殿九門珂  
我來惆悵不自決  
欲去欲住終如何

漢江

溶溶漾漾白鷗飛  
淥淥春深好染衣  
南去北來人自老  
夕陽長送釣船歸

哭亡友

故人墳樹五秋風  
伯道無兒跡更空  
重到笙歌分散地  
隔江吹笛月明中

赤壁

折戟沈沙鐵未消  
自將磨洗認前朝  
東風不與周郎便

銅雀春深鎖二喬

雲夢澤

日旗龍旆想飄揚一索功高縛楚王真是超然五湖客  
未如終始鄆汾陽

泊秦淮

煙籠寒水月籠沙夜泊秦淮近酒家商女不知亡國恨  
隔江猶唱後庭花

秋浦途中

蕭蕭山路窮  
秋雨浙浙溪  
風一岸蒲為  
問寒沙新到  
雁來時還下  
杜陵無

題桃花夫人廟

細腰宮裏露  
桃新脈脈無  
言度幾春至  
竟息亡緣底  
事  
可憐金谷墮  
樓人

題烏江亭

勝敗兵家事  
不期包羞忍  
恥是男兒  
江東子弟多  
才俊  
卷土重來未  
可知

題橫江館

孫家兄弟晉龍驤  
馳騁功名業帝王  
至竟江山誰是主  
苔磯空屬釣魚郎

寄楊州韓綽判官

青山隱隱水遙遙  
秋盡江南草木凋  
二十四橋明月夜  
玉人何處教吹簫

送李羣玉赴舉

故人別來面如雪  
一榻拂雲秋影中  
玉白花紅三百首

五陵誰唱與春風

甘棠館御溝

一渠東注芳華苑  
苑鎖池塘百歲空  
水殿半傾蟾口溢  
為誰流下蓼花中

汴河懷古

錦纜龍舟隋煬帝  
平臺複道漢梁王  
遊人閒起前朝念  
折柳孤吟斷殺腸

汴河阻凍



千里長河初凍時  
玉珂瑤珮響參差  
浮生憐似冰底水  
日夜東流人不知

題元處士高亭

水接西江天外聲  
小齋松影拂雲平  
何人教我吹長笛  
與倚春風弄月明

鄭瓘協律

廣文遺韻留樗散  
雞犬圖書共一船  
自說江湖不歸事  
阻風中酒過年年

送陸洵郎中棄官歸

少微星動照春雲  
魏闕衡門路自分  
倏去忽來應有意  
世間塵土漫疑君

寄珉笛與宇文舍人

調高銀字聲還側  
物比柯亭韻校奇  
寄與玉人天上去  
桓將軍見不教吹

途中二首

鏡中絲髮悲來慣  
衣上塵痕拂漸難  
惆悵江湖釣竿手

却遮西日向長安

田園不事來遊宦故國誰交爾別離獨倚闌亭還把酒  
一年春盡送春時

題村舍

三樹稚桑春未刈扶床乳女午啼飢  
潛銷暗鏢歸何處  
萬指侯家自不知

江

楚鄉寒食橘花時野渡臨風駐綵旗  
草色連雲人去住

水紋如穀燕差池

題木蘭廟

彎弓征戰作男兒  
夢裏曾經夢畫眉  
幾度思歸還把酒  
拂雲堆上祝明妃

入商山

早入商山百里雲  
藍溪橋下水聲分  
流水舊聲人舊耳  
此回嗚咽不堪聞

題商山廟

呂氏強梁嗣子柔我於天性豈恩讎南軍不袒左邊袖  
四老安劉是滅劉

送隱者

無媒逕路草蕭蕭自古雲林遠市朝公道世間唯白髮  
貴人頭上不曾饒

送斛斯判官

蒼蒼煙月滿川亭我有勞歌一為聽將取離魂隨白騎  
三台星裏拜文星

贈別二首

娉娉裊裊十三餘  
苴蔻梢頭二月初  
春風十里揚州過  
卷上珠簾總不如

多情却似總無情  
唯覺樽前笑不成  
蠟燭有心還惜別  
替人垂淚到天明

寄遠

前山極遠碧雲合  
清夜一聲白雪微  
欲寄相思千里月  
溪邊殘照雨霏霏

九日

金英繁亂拂欄香  
明府辭官酒滿缸  
還有玉樓輕薄女  
笑他寒燕一雙雙

寄牛相公

漢水橫衝蜀浪分  
危樓點的拂孤雲  
六年仁政謳謠去  
柳遠春隄處處聞

斑竹筒簟

血染斑斑成錦紋  
昔年遺恨至今存  
分明知是湘妃泣

何忍將身卧淚痕

和嚴憚落花

共惜流年留不得且環流水醉流杯無情紅豔年年盛  
不恨凋零却恨開

倡樓戲贈

細柳橋邊深半春纈衣簾裏動香塵無端有寄閒消息  
背插金釵笑向人

宣州開元寺



松寺曾同一鶴棲夜深臺殿月高低何人為倚東樓柱  
正是千山雪漲時

寺南樓

小樓纔受一床橫終日看山酒滿傾可惜和風夜來雨  
醉中虛度打窻聲

留贈

舞鞵應任閒人看笑臉還須待我開不用鏡前空有淚  
薔薇花謝即歸來

送薛邽二首

可憐走馬騎驢漢豈有風光肯占伊  
只有三張最惆悵  
下山回馬尚遲遲

小捷風流已俊才  
便將紅粉作金臺  
明年未去池陽郡  
更乞春時却重來

南陵道中

南陵水面漫悠悠  
風緊雲輕欲變秋  
正是客心孤迥處  
誰家紅袖凭江樓

別家

初歲嬌兒未識爺  
別爺不拜手  
吒义拊頭一別三千里  
何日迎門却到家

兩

連雲接塞添迢遞  
灑幕侵燈送寂寥  
一夜不眠孤客耳  
主人窗外有芭蕉


送人

鴛鴦帳裏暖芙蓉  
低泣關山幾萬重  
明鑑半邊釵一股

此生何處不相逢

醉贈薛道封

飲酒論文四百刻  
水分雲隔二三年  
男兒事業知君有  
賣與明君直幾錢



萬首唐人絕句卷二十五

欽定四庫全書

集部

萬首唐人絕句卷二十六至二十九

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷三十六

宋 洪邁 編

七言

詠襪

杜 牧

鈿尺裁量減四分  
纖纖玉笋裹輕雲  
五陵年少欺他醉  
笑把花前出畫裙

宮詞二首

蟬翼輕綃傅體紅玉膚如醉向春風深宮鎖閉猶疑惑  
更取丹沙試辟宮

監宮引出暫開門隨例須朝不是恩銀鑰却收金鎖合  
月明花落又黃昏

月

三十六宮秋夜深昭陽歌斷信沉沉唯應獨伴陳皇后  
照見長門望幸心

入關



東西南北數衢通  
曾取江西徑過東  
今日更尋南去路  
未秋應有北歸鴻

及第後寄長安故人

東都放榜未花開  
三十三人走馬回  
秦地少年多辦酒  
已將春色入關來

偶作

才子風流詠曉霞  
倚樓吟住日初斜  
驚殺東鄰繡牀女  
錯將黃暈壓檀花

贈終南僧

北闕南山是故鄉  
兩枝仙桂一時芳  
休公都不知名姓  
始覺禪門氣味長

遣懷

落魄江南載酒行  
楚騫腸斷掌中輕  
十年一覺揚州夢  
占得青樓薄倖名

春日途中

田園不事來遊宦  
故國誰教爾別離  
獨倚關亭還把酒

一年春盡送春時

秋感

金風萬里思何盡  
玉樹一窻秋影寒  
獨掩此門明月下  
淚流香袂倚欄干

贈漁父

蘆花深澤靜垂綸  
月夕煙朝幾十春  
自說孤舟寒水畔  
不曾逢着獨醒人

歎花

自恨尋芳到已遲  
往年曾見未開時  
如今風擺花狼籍  
綠葉成陰子滿枝

山行

遠上寒山石徑斜  
白雲生處有人家  
停車坐愛楓林晚  
霜月紅於二月花

書懷

滿眼青山未得過  
鏡中無那鬢絲何  
祇言旋老轉無事  
欲到中年事更多

紫微花

曉迎秋露一枝新  
不占園中最上春  
桃李無言又何在  
向風偏笑豔陽人

醉後呈崔大夫

謝傳秋涼閱管絃  
徒教賤子侍華筵  
溪頭正雨歸不得  
辜負南窓一覺眠

方響

數條秋水挂琅玕  
玉手丁當怕夜寒  
曲盡連敲三四下

恐驚珠淚落金盤

題真上人院

清羸已近百年身古寺風煙又一春  
寰海自成戎馬地唯師曾是太平人

對花不飲

花前雖病亦提壺數調持觴興有無  
盡日臨風羨人醉雪香空伴白髭鬚

桃花園

桃滿西園淑景催幾多紅豔淺深開此花不逐溪流出  
晉客無因入洞來

送杜十三

煙鴻上漢聲聲遠逸驥尋雲步步高應笑內兄年六十  
郡城閒坐養霜毛

後池泛舟送王十二首

相送西郊暮景和青蒼竹外遶寒波為君醮甲十分飲  
應見離心一倍多

分袂還應立馬看  
向來離思始知難  
鴈飛不見行塵滅  
景下山遥極目寒

洛陽秋夕

泠泠寒水帶霜風  
更在天橋夜景中  
清禁漏閒煙樹寂  
月輪移在上陽宮

獵騎

已落雙鷗血尚新  
鳴鞭走馬又翻身  
憑君莫射南來雁  
恐有家書寄遠人



懷吳中馮秀才

長洲苑外草蕭蕭，却算遊程歲月遙。  
唯有別時今不忘，暮煙秋雨過楓橋。

寄東塔僧

初月微明漏白煙，碧松梢外挂青天。  
西風靜起傳深業，應送愁吟入夜蟬。

秋夕

紅燭秋光冷畫屏，輕羅小扇撲流螢。  
瑤階夜色涼如水。

坐看牽牛織女星

瑤瑟

玉仙瑤瑟夜珊珊  
月過樓西桂燭殘  
風景人間不如此  
動搖湘水徹明寒

送人歸山

三清洞裏無端別  
又拂塵衣欲臥雲  
看著挂冠迷處所  
北山蘿月在移文

聞角

曉樓煙檻出雲霄  
景下林塘已寂寥  
城角為秋悲更遠  
護霜雲破海天遙

發谷口

曉澗青青桂色孤  
楚人隨玉上天衢  
水辭谷口山寒少  
今日風頭校暖無

賞蕙草

尋常詩思巧如春  
又喜幽亭蕙草新  
本是馨香比君子  
遶欄今更為何人

偶題

道在人間或可傳，小還輕變已多年。  
今來海上昇高望，不到蓬萊不是仙。

三川驛覽座主舍人留題

舊跡依然已十秋，雪山當面照銀鈎。  
懷恩淚盡霜天曉，一片餘霞映驛樓。

醉贈裴四同年

淒風洛下同羈思，遲日棠陰得醉歌。  
自笑與君三歲別，

頭銜依舊鬢絲多

破鏡

佳人失手鏡初分  
何日團圓再會君  
今朝萬里秋風起  
山北山南一片雲

長安雪後

秦陵漢苑參差雪  
北闕南山次第春  
車馬滿城原上去  
豈知惆愴有閒人

華清宮

零葉翻紅萬樹霜  
玉蓮聞葉暖泉香  
行雲不下朝元閣  
一曲淋鈴淚數行

冬日題寺北樓

滿懷多少是恩酬  
未見功名已白頭  
不為尋山試筋力  
豈能寒上背雲樓

別王十後附書

重關曉度宿雲寒  
羸馬緣知步步難  
此信的應中路見  
亂山何處拆書看

李蘄州問斷酒因寄

有客南來話所思  
故人遙在醉中詩  
暫因微疾須防酒  
不是歡情減舊時

望少華三首

身隨白日看將老  
心與青雲自有期  
今對晴峰無十里  
世緣多累暗生悲

文字波中去不還  
物情初與是非關  
時名竟是無端事  
羞對靈山道愛山

眼看雲鶴不相隨  
何況塵中事  
作為好伴羽人深  
洞去  
月前秋聽玉參差

登澧州驛樓寄韋尹

一話涪陽舊使君  
郡人回首望青雲  
政聲長與江聲在  
自到津樓日夜聞

長安晴望

翠屏山對鳳城開  
碧落搖光霽  
後來回識六龍巡  
幸處  
飛煙閒繞望春臺



歲旦朝回

星河猶在整朝衣  
遠望天門再拜歸  
笑向東風初五十  
敢言知命且知非

宮人冢

盡是離宮院中女  
苑牆城外冢累累  
少年入內教歌舞  
不識君王到死時

寄杜子二首

不識長揚事北都  
且教紅袖醉來扶  
狂風烈焰雖千尺

豁得平生俊氣無

武牢關吏應相笑箇底年年往復來若問使君何處去  
為言相憶首長回

有感

宛溪垂柳最長枝曾被春風盡日吹不堪攀折猶堪看  
陌上少年來自遲

江南送左師

江南為客正悲秋更送吾師古渡頭惆悵不同塵土別

水雲蹤跡去悠悠

郡樓有宴病不起

十二層樓敞畫簷連雲歌盡草纖纖空堂病怯階前月  
燕子嗔垂一桁簾

隋苑

紅霞一抹廣陵春  
定子當筵睡臉新  
却笑丘墟隋煬帝  
破家亡國為誰人

汴水舟行答張祐

千萬長河共使船聽君詩句倍悽然春風野岫名花發  
一道帆檣畫御煙

寓言

暖風遲日柳初含顧影看身又自慙何事明朝獨惆悵  
杏花時節在江南

猿

月白煙青水暗流孤猿銜恨叫中秋三聲欲斷疑腸斷  
饒是少年須白頭

懷歸

塵埃終日滿窻前  
水態雲容思浩然  
爭得便歸湘浦去  
却持竿上釣魚船

邊上晚秋

黑山南面更無州  
馬放平沙夜不收  
風送孤城臨晚角  
一聲聲入客心愁

悼吹簫妓

玉簫聲斷沒流年  
滿目春愁隴樹煙  
艷質已隨雲雨散

鳳樓空鎖月明天

訪許顏

門近寒溪窻近山  
枕山流水日潺潺  
長嫌世上浮雲客  
老向塵中不解顏

春日古道傍作

萬古榮華旦暮齊  
樓臺春盡草萋萋  
君看陌上何人墓  
旋化紅塵送馬蹄

青冢

青冢前頭隴水流  
燕支山上墓雲秋  
蛾眉一墜窮泉路  
夜夜孤魂月下愁

大夢上人自廬峰回

行脚尋常到寺稀  
一枝藜杖一禪衣  
開門滿院空秋色  
新向廬峰過夏歸

洛中二首

柳動晴風拂路塵  
年年宮闕鎖濃春  
一從翠輦無巡幸  
老却蛾眉幾許人

風吹柳帶搖晴綠蝶遶花枝戀暖香多把芳菲泛春酒  
直教愁色對愁腸

邊上聞鳴笳三首

何處吹笳薄暮天塞垣高鳥沒狼煙遊人一聽頭堪白  
蘇武爭禁十九年

海路無塵邊草新榮枯不見綠揚春白沙日暮愁雲起  
獨感離鄉萬里人

羣雛吹笛上高臺寒鴈驚飛去不回盡日春風吹不散



只應分付客愁來

閒題

男兒所在即為家  
百鎰黃金一朶花  
借問春風何處好  
綠楊深巷馬頭斜

金谷園

繁華事散逐香塵  
流水無情草自春  
日暮東風怨啼鳥  
落花猶似墮樓人

重登科

星漢離離月出輪滿街含笑綺羅春花前每被青娥問  
何事重來只一人

遊邊

黃沙連海路無塵邊草長枯不見春日暮拂雲堆下過  
馬前逢着射鵰人

隋宮春

龍舟東下事成空蔓草萋萋滿故宮亡國亡家為顏色  
露桃猶自恨春風

寓題

把酒直須判酌  
酹逢花莫惜暫淹留  
假如三萬六千日  
半是悲哀半是愁

送趙十二

省事却因多事力  
無心翻似有心來  
秋風郡閣殘花在  
別後何人更一杯

呈鄭先輩

不語亭亭儼薄粧  
畫裙雙鳳鬱金香  
西京才子旁看取

何似喬家那窈娘

偶見

朔風高緊掠河樓  
白鼻騮郎白罽裘  
有箇當壚明似月  
馬鞭斜揖笑回頭

醉倒

日晴空樂下仙雲  
俱在涼亭送使君  
莫辭一盞即相請  
還是三年更不聞

兵部尚書席上作

華堂今日綺筵開誰召分司御史來  
偶發狂言驚滿坐  
三重粉面一時回

和州絕句

江湖醉度十年春  
牛渚山邊六問津  
歷陽前事知虛實  
高位紛紛見陷人

仙女詞

楊衡

玉笄初侍紫皇君  
金縷鴛鴦滿絳裙  
仙宮一閉無消息  
遙結芳心向碧雲

春夢

落庭日照花如錦  
紅粧美人當畫寢  
傍人不知夢中事  
唯見玉釵時墜枕

宿青牛谷

隨雲步入青牛谷  
青牛道士留我宿  
可憐夜久月明中  
唯有壇邊一枝竹

寄微公

北風吹霜霜月明  
荷葉枯盡越水清  
別來幾度龍宮宿

雪山童子應相逐

九日

黃花紫菊傍籬落  
摘菊泛酒愛芳新  
不堪今日望鄉意  
強插茱萸隨衆人

春日

宋 邕

輕花細葉滿林端  
昨夜春風晚色寒  
黃鳥不堪愁裏聽  
綠楊宜向雨中看

社日村居

張 演

鵝湖山下稻梁肥  
犴柵雞棲對掩扉  
桑柘影斜春社散  
家家扶得醉人歸

贈李十二

崔成甫

我是瀟湘放逐臣  
君辭明主漢江濱  
天外常求太白老  
金陵捉得酒仙人

過上人蘭若

綦毋潛

山頭禪室挂僧衣  
窗外無人溪鳥飛  
黃昏半在山下路  
却聽鐘聲連翠微



早發上東門

十五能行西入秦三十無家作路人時命不將明主荅  
素衣空染洛陽塵

侍宴桃花園

徐彥伯

源水叢花無數開丹跗紅萼間青梅從今結子三千歲  
預喜仙游復摘來

上巳被禊

晴風麗日滿芳洲雲幕春筵被錦流皆言曲侍璜溪宴

暫似乘槎天漢游

夜燕安樂公主宅

鳳樓開闔引明光  
花醕連添醉益香  
欲知帝女熏天貴  
金柯玉柱夜成行

小雪日戲題

張登

甲子徒推小雪天  
刺桐猶綠槿花然  
陽和長養無時歇  
却是炎洲雨露偏

歸燕下第後獻主司

章孝標

舊累危巢泥已落今年故向社前歸  
連天大廈無棲處更傍誰家門戶飛

及第後寄淮南李相公

及第全勝十政官金湯渡了出長安  
馬頭漸入揚州路為報時人洗眼看

春雪獻李相公

六出飛花處處飄黏窻拂砌上寒條  
朱門到曉難盈尺盡是三軍喜氣銷

萬首唐人絕句卷二十六

欽定四庫全書

萬首唐人絕句卷二十七

宋 洪邁 編

七言

寄友二首

李羣玉

野水晴山雪後時  
獨行村路更相思  
無因一向溪橋醉  
處處寒梅映酒旗

花落輕寒酒熟遲  
醉眠不及落花期  
愁人想憶春山暮

煙樹蒼蒼撥穀時

澧陵路中

別酒離亭十里強半醒半醉引愁長無人寂寂春山路  
雪打溪梅狼籍香

大庾嶺別友人

篔簹無子鷓鴣飢毛彩凋摧不得歸誰念火雲千嶂裏  
低身猶傍鷓鴣飛

石門戍

到此空思吳隱之潮痕草蔓上幽碑人來皆望珠璣去  
誰詠貪泉四句詩

聞湘南從叔朝覲

長沙地窄却回時舟楫駸駸向鳳池為報湘川神女道  
莫教雲雨濕旌旗

漢陽太白樓

江上晴樓翠靄間滿簾春水滿窻山青楓綠草將愁去  
遠入吳雲暝不還

送客

沅水羅文海燕回  
柳條牽恨到荆臺  
定知行路春秋裏  
故郢城邊見落梅

南莊春晚二首

連雲草暎一條陂  
鷓鴣雙雙帶水飛  
南村小路桃花落  
細雨斜風獨自歸

草暖沙長望去舟  
微茫煙浪向巴丘  
沅湘寂寂春歸盡  
水綠蘋香人自愁



移松竹

龍髯鳳尾亂颼颼帶霧停風一畝秋待取滿庭蒼翠合  
酒尊書案閉門休

引水行

一條寒玉走秋泉引出深蘿洞口煙十里暗流聲不斷  
行人頭上過潺湲

黃陵廟

黃陵廟前莎草春黃陵女兒茜裙新輕舟小楫唱歌去

水遠山長愁殺人

北亭

斜雨飛絲織晚空  
疎簾半捲野亭風  
荷花開盡秋光晚  
零落殘紅綠沼中

送客往潯陽

春與春愁逐日長  
遠人天畔遠思鄉  
蘋生水綠不歸去  
孤負東溪七里莊

桃源

我到瞿真上昇處山川四望使人愁紫雲白鶴去不返  
唯有桃源溪水流

題王侍御宅

門向滄江碧岫開地多鷗鷺少塵埃綠陰十里灘聲裏  
閒去王家看竹來

文殊院避暑

赤日黃埃滿世間松聲入耳即心閒願尋五百仙人去  
一世清涼住雪山

寄友人鹿胎冠子

散點疎星紫錦班  
仙家新樣剪三山  
宜與謝公松下戴  
淨簪雲髮翠微間

江南

鱗鱗別浦起微波  
泛泛輕舟桃葉歌  
斜雪北風何處宿  
江南一路酒旗多

答友寄新茗

滿火芳香碾麴塵  
吳甌湘水綠花新  
媿君千里分滋味

寄與春風酒渴人

峽山寺上方

滿院泉聲山殿涼  
殿簾微雨野松香  
東峰下視南溟月  
笑踏金波看海光

秋登涪陽城二首

萬戶砧聲水國秋  
涼風吹起故鄉愁  
行人望遠偏傷思  
白浪青楓滿北樓

穿針樓上閉秋煙  
織女佳期又隔年  
斜漢夜深吹不落

一條銀浪挂秋天

釣魚

七尺青竿一丈絲  
荻蔕葉裏逐風吹  
幾回舉手拋芳餌  
驚起沙灘水鴨兒

酬魏三十七

靜裏寒香觸思初  
開緘忽見二瓊琚  
一吟麗句風流極  
沒得洪文李校書

贈琵琶

我見鴛鴦飛水上君還望月苦相思  
一雙裙帶同心結  
早寄黃鸝孤鴈兒

落帆後賦得二絕

平湖茫茫春日落危檣獨映沙洲泊  
上岸閒尋細草行  
古查飛起黃金鸚

水浮秋煙沙曉雪皎潔無風影澄澈  
海客雲帆未掛時  
相與緣江拾明月

贈妓人

誰家少女字千金省向人間觸處尋今日分明花裏見  
一雙紅臉動春心

贈人

曾留宋玉舊衣裳惹得巫山夢裏香雲雨無情難管領  
任他別嫁楚襄王

石榴

洞中春氣蒙籠喧尚有紅英千樹繁可憐夾水錦步障  
羞殺石家金谷園



鷓鴣

錦羽相呼慕沙曲波上雙聲憂哀玉霞明川靜極望中  
一時飛滅青山綠

沅江漁者

倚棹汀洲沙日晚江鮮野菜桃花飯長歌一曲煙靄深  
歸去滄浪綠波遠

題金山寺石堂

白波四面照樓臺日夜潮聲遶寺回千葉紅蓮高會處

幾曾龍女獻珠來

戲贈魏四十

蘭浦秋來煙雨深  
幾多情思在琴心  
知君調得東家子  
早晚和鳴入錦衾

和人贈別

頻黛低紅別怨多  
深停芳恨滿橫波  
聲中唱出纏綿意  
淚落燈前一曲歌

宿巫山廟二首

寂寞高堂別楚君王人天上逐行雲停舟十二峯巒下  
幽佩仙香半夜聞

廟閉春山曉月光波聲回合樹蒼蒼自從一別襄王夢  
雲雨空飛巫峽陽

傷柘枝

曾見雙鸞舞鏡中聯飛接影對春風今來獨在花筵上  
月滿秋天一半空

題櫻桃

春初携酒此花間  
幾度臨風倒玉山  
今日葉深黃滿樹  
再來惆悵不能攀

惱從兄

芳草萋萋新燕飛  
芷河南望鴈書稀  
武陵洞裏尋春客  
已被桃花迷不歸

紫極宮齋後

紫府空歌碧落寒  
曉星寥亮月光殘  
一羣白鶴高飛散  
唯有松風吹石壇

春晚

思鄉之客空凝噉  
天邊欲盡未盡春  
獨攀江樹深不語  
芳草落花愁殺人

喜渾吉見訪

公子春衫桂水香  
遠衝霏雪過書堂  
貧家冷落難消日  
唯有松筠滿院涼

索曲送酒

簾外春風正落梅  
須求狂藥解愁回  
煩君玉指輕攏撚

慢撥鴛鴦送一杯

山驛梅花

生在幽崖獨無主  
溪蘿澗鳥為儔侶  
行人陌上不留情  
愁香空謝深山雨

重陽日上渚宮揚尚書

落帽臺邊菊半黃  
行人惆悵對重陽  
荊州一見桓宣武  
為赴悲秋入帝鄉

校書叔遺暑服

翠芸箱裏疊稔稔楚葛湘紗淨似空  
便着清江明月夜  
輕涼與掛一身風

贈魏三十七

名珪字玉淨無瑕美譽芳聲有數車  
莫放焰光高二丈  
來年燒殺杏園花

酬崔表臣

昨日朱門一見君  
忽驚野鶴在雞羣  
不應長啄黃汙水  
早晚歸飛碧落雲

歎靈鷲寺石榴

水蝶巖蜂俱不知  
露紅凝豔數千枝  
山深春晚無人賞  
即是杜鵑催落時

中秋寄南海侍御

海靜天高景氣殊  
鯨睛失彩蚌潛珠  
不知今夜越臺上  
望見瀛洲方丈無

戲贈姬人

骰子巡拋裏手拈  
無因得見玉纖纖  
但知謔道金釵落



圖向人前露指尖

丹陽送韋叅軍

嚴維

丹陽郭裏送行舟  
別心知兩地  
秋日晚江南  
望江北  
寒鴉飛盡水悠悠

相里使君宅聽惠澄上人吹小管

秦僧吹竹閉秋城  
早在梨園稱主情  
今夕襄陽山太守  
坐中流淚聽商聲

荅劉長卿

新安非欲枉帆過海內如君有幾何  
醉裏別時秋水色  
老人南望一狂歌

發桐廬寄劉員外

處處雲山無盡時  
桐廬南望轉參差  
舟人莫道新安近  
欲上潺湲行自遲

歲初喜皇甫侍御至

湖上新正逢故人  
情深應不笑家貧  
明朝別後門還掩  
脩竹千竿一老身

舊鏡

鮑溶

團團銅鏡似潭水  
心愛玉顏私自親  
一經離別少年改  
難與清光相見頻

期盡

魚鎖生衣門不開  
玉筐金月共塵埃  
青山石婦千年望  
雷雨曾來知不來

寄天台準公

赤城橋東見月夜  
佛壠寺邊行月僧  
聞踏莓苔繞琪樹

海光清淨對心燈

送蕭秀才

心交別我西京去愁滿春魂不易醒從此無人訪貧病  
馬蹤車轍草青青

隋宮二首

柳塘煙起日西斜竹浦風回鴈弄沙煬帝春游古城在  
壞宮芳草滿人家

玉鉤闌畔寒泉水金輓轡邊照影人此水今為九泉路

一枝花照數堆塵

塞上行

西風應時筋角堅承露牧馬水草冷可憐  
黃河九曲盡  
羶館牢落樹無影

吳中夜別

楚客秋思着黃葉吳姬夜歌停碧雲聲盡燈前各流淚  
水天涼冷鴈離羣

送裴婺州

婺女星邊氣不收  
金華山水似瀛洲  
含香太守心清淨  
去與神仙日日遊

荅客

竹間深路馬驚嘶  
獨入蓬門半似迷  
勞問圃人終歲事  
桔槔聲裏雨春畦

贈楊鍊師二首

紫煙衣上繡春雲  
清隱山書小篆文  
明月在天將鳳管  
夜深吹向玉晨君

道士夜誦藥珠經白鶴下繞香煙聽夜移經盡人上鶴  
仙風吹入秋冥冥

寄薛膺昆季

楚山清路兩無期夢裏春風玉樹枝何況芙蓉樓上客  
海門江月亦相思

揚真人錄中像

畫中留得清瓊質世上難逢白鶴身應見茅盈哀老弟  
為持金籙救生人

懷王秀才

鄉無竹圃為三徑  
貧寄鄰家已二年  
唯有素風身未墜  
世間開口不言錢

題真公影堂

舊房西壁畫支公  
昨暮今辰色不同  
遠客問心無處取  
獨添香火望虛空

秋夜懷紫閣寺僧

滿山雨色應難見  
隔澗經聲又不聞  
紫閣夜深多入定



石苔誰為掃秋雲

宿水亭

雕楹采檻壓通陂魚鱗碧幕銜曲玉夜深星月伴芙蓉  
如在廣寒宮裏宿

寄海陵韓長宮

吏散重門印不開玉琴招鶴舞徘徊野人為甚多東望  
雲雨仍從海上來

得儲道士書

嬋娟春盡暮心收鄰里同年半白頭為問蓬萊近消息  
海波平靜好東遊

感路侍御訪別

西臺御史重難言落木疎籬繞病魂一望青雲感驄馬  
欵行黃葉出柴門

上巳日上浙東孟中丞

世間禊事風流處鏡裏雲山若畫屏今日會稽王內史  
好將賓客醉蘭亭

送僧遊天台二首

身非居士常多病，心愛空王稍覺閒。  
師問寄禪何處取，浙南青翠沃洲山。

金嶺雪晴僧獨歸，水文霞采納禪衣。  
可憐石室燒香夜，江月對心無是非。

望金山寺

一朵蓬萊在世間，梵宮宮闕翠雲閒。  
近南秋水更清淺，聞道遊人未忍還。

奉酬范傳真二首

昨日新花紅滿眼  
今朝美酒綠留人  
更宜明月含芳露  
憑仗蕭郎夜賞春

白雪翦花朱蠟蒂  
折花傳笑惜春人  
請君白日留明月  
一醉風光莫厭頻

襄陽懷古

襄陽太守沉碑意  
身後身前幾年事  
湘江千歲未為陵  
水底魚龍應識字

湖上望月

湖上清涼月更好  
天邊旅人猶未歸  
幾見金波滿  
還破草蟲聲  
畔露霑衣

望姑山

幽人徃徃憶麻姑  
浮世悠悠仙境殊  
自從青鳥不堪使  
更得蓬萊消息無

暮秋見菊花

菊花低色過重陽  
似憶王孫白玉觴  
今日王孫好收采

高天已下兩回霜

東鄰女

雙飛鷓鴣春影斜  
美人盤金衣上花  
身為父母幾時客  
一生知向何人家

寄李都護

去年河上送行人  
萬里弓旗一武臣  
聞道玉關烽火死  
犬戎知有外家親

長安旅舍懷舊山

昨夜清涼夢本山  
眠雲喚鶴有慙顏  
青蓮道士長堪羨  
身外無名至老閒

漢宮詞二首

栢梁宸居清窈窕  
東方先生夜待詔  
夜久月當承露盤  
內人吹笙舞鳳鸞

月映東牕似玉輪  
未央前殿絕聲塵  
宮槐花落西風起  
鸚鵡驚寒夜喚人

懷仙

閨峯綺閣幾千丈  
瑤水西流十二城  
曾見周靈王太子  
碧桃花下自吹笙

九日

崔國輔

江邊楓落菊花黃  
少長登高一望鄉  
九日陶家雖載酒  
三年楚客已霜裳

白紵辭二首

洛陽梨花落如霰  
河陽桃葉生復齊  
坐恐玉樓春欲盡  
紅綿粉絮裛衰妝  
啼



董賢女弟在椒風窈窕繁華貴後宮壁帶金缸皆翡翠  
一朝零落變成空

王昭君

一回望月一回悲望月月移人不移何時得見漢朝使  
為妾傳書斬畫師

萬首唐人絕句卷二十七